

TITUS **Titus tuku wañe Paulusñge** **kuyarna**

Paulus nu Titus tuku wañe kuyarna te tugunu teñenmba.

Paulus nu o buk Kreta nuy mbolñge minna sulumba nuy ta kusrewam saka Yesus tuku kuasmbi idusñimba ñgamuñgal pitina le Griknu tango Titus wam pagumba sana: Ne kuasmbi te kulatka mina ñgina. Tanamba sana sulumba Paulus nu Titus kusremba ma inum kina ka tanje nu Titus wam pagu pasa afu lato sawam idusmba wañe te kuyarmba pilna le Titus sota kina.

¹ Titus kaiye. Ye Paulus Kuate tuku piro tango Yesus Kristus tuku aposel ye ne ndon pasatam prowet. Kuate nu nane kilam tuku madiningina mbal ye nane tuku ñgamuñgal son sangri pileningi le nu tuku pasa tugusek kila pile mayemba nu tuku miñge kumnemñge minwaig ñga nu ye kuku-lyina.

² Nane abo minmba minam tuku wam ta son ñga minde minwaig ñga pasa kukliwet. Kuate nu samba kilke kile-mayok ndakina sulumba abo tugu ta siñgam tuku sakina. Nu siñka yabrikam kumuñ kuga.

³ Ait kumuñgina le mbal afu kukulningina le abo tugu tuku pasa ta kuklinaig. Kuate nu sine tuku muskil kile-tidiñge siñgit ta nu piro ta ye tuku wai mbolñge pilna.

⁴ Titus, ne sine ndonŋ ŋgamuŋgal son ndindo ŋak minit tukunu ne siŋka ye tuku kiŋo. Siŋgine Mam Kuate, Kristus Yesus sine tuku muskil kile-tidiŋge siŋgit taŋgo nale ake sinaŋ ne make pilmba ŋgamuŋgal wamduŋ bul sernuwaik. Son.

Titus nu Kreta nuy tuku gabat madiniŋgam tuku pasa

⁵ Piro afu sine buk sulu ndageŋ ta ne kile-tidiŋga suluwam tuku ye ne Kreta nuy mbolŋge kusrenen. Ye wam pagunen ta dubimba tumbraŋ ŋakmba mbol kumba Kristus tuku kuasmbi tuku gabat taŋgo afu madiniŋmba patika.

⁶ Gabat taŋgo ta taŋgo kame nu tuku mbar ande sanu tuku kaŋger ndawaig. Nu pino ndindo ndo ŋak minwa. Nu tuku kiŋo kame mata Kristus tuku son ŋguwaig. Nane naŋgine nzali fare dubimba ko miŋge kumnemŋge mine ndakuwaig le afu nane mbolŋge wam taŋaŋ sanu tuku kaŋger ndawaig.

⁷ Gabat taŋgo nu Kuate tuku piro kulatkate. Ta tuku nane afu siŋka nu tuku mbar ande sanu tuku kaŋger ndawaig. Nu nuŋe ŋgarosu payam ndakuwa. Nu pitik ndo gubra te ndakuwa. Nu kule kamenu nyumba ŋginŋgan ndaka ande kat ndawa. Nu ndametiŋ kilam tuku piriri ndawa.

⁸ Nu mbal afu kilmba isukusneniŋguwa. Nu maŋau magenu ndo nzaliwa. Nu pizuknu tiŋreknu minmba maŋau purfeŋnu ndo kuwa sulumba nuŋe nzali ŋaigonu kusrekuwa sulumba

⁹ Kuate tuku pasa afuŋge tumniŋginaig ta ndo biye dewa. Nu taŋawa ta nu pasa tugusek taŋgo pino tumniŋgam kumuŋ. Afu pasa ta te-ibenjam

tagowaig ta nu nane tuku wamodus mbarde ta kumumbi tumningamngat.

Yabri mbal peuningam tuku pasa

¹⁰ Nane gudommba minje kumnemnge mine ndaka pasa alo kugatok saka afu yabrinigig. Zu mbal afu kile Kristen ngamuknge minig ta nane gudommba tanjade.

¹¹ Nane ndametinj kilam tuku ndo idusmba wam ngaionu nda sakam tuku ta tumningmba tanjo afu nangine kinjo kame mata didikade le ngamunggal son kusrekade. Ne sinjka mbal ta peuninga.

¹² Kreta tanjo ande nu tuan tanjo tanjan minna sulumba nuje mbal tuku tenenmba sakina.

Kreta mbal nane yabri tanjo ndo. Nane aganjmor ngaionu tanjan kanyummba nyamagan tuku ndo piriride ngina.

¹³ Nu son sakina. Ne nane sangrimba saninge lika le Kristus tuku pasa tugusek ta ndo son nguwaig.

¹⁴ Nane pasa tugusek pitaide mbal tuku minje dubi ndakuwaig. Zu mbal tuku yabri wam kube ta mata ngumneninguwaig.

¹⁵ Mbal afu ngamunggal purfenju minig ta nane aganj ndende nakmba purfenju tukul kugatok ngade. Afu ngamunggal purfenju kuga Kristus tuku son nda ngade ta nane aganj ndende afu purfenju kanjer ndakade. Nane ngamunggal purfenju kuga tukunu nane pileningam kumun kuga.

¹⁶ Nane mingembi ndo sine Kuate kila ngade. Nangine manjau ngaionu tanje sine Kuate gilai ngade. Nane Kuate am mbolnge njule parak minig. Nane nu tuku minje pitaimba wam mayenu ande kam kumun kuga.

2

Saibo kame, tanjo mo, pino mbanzo tuku pasa

¹ O tira, ne tejenmba ka. Kuate tuku pasa tugusek ta ndo tumninga.

² Tanjo mage mage nane nangine nzali njaigonu kusrekuwaig. Nane gua gua ndaka wamdus kuyar magenu njak minwaig. Nane Kristus tuku pasa tugusek ta ndo son nguwaig. Afu tuku kume purkuwaig. Nane piti mbolnge bike ndaka sanjri tinguwaig.

³ Pino mage mage nane mata Kuate tuku nyu idusmba kurauka minwaig. Nane ngumnem pasa sa ndakuwaig. Kule kamenu nyam tuku piriri ndawaig. Nane wam magenu nane afu tumninguwaig.

⁴ Nane pino mbanzo wam pagukuwaig le nangine tanjo kinjo kat nangine tuku kume purkuwaig.

⁵ Nane wamdus kuyar magenu njak minwaig. Nane alej alej ndakuwaig. Nangine wande kulat mayemba rangun mayenu kumba nangine tanjo tuku minge kumnemnge minwaig. Nane tanjawaig ta afu nane kanjerka nane wam mayede nga Kuate tuku pasa njayo siliwe nda.

⁶ Tanjo mo nane mata nangine nzali njaigonu kusrekuwaig nga saninga.

⁷ Ne nane mironj mata wam magenu ndo ke lika le nane afu kanjernumba ne dubinuwaig. Ne pasa ndinok ta ndo idusmba tugusemba tumninga.

⁸ Son pasa ndo nane te-ibenjam kumunj kuga ta saninga. Ne tanjawa ta sine tuku ngueu mbal tuku

ndin tukula le nane kiko kaŋgermba pasa kugatok minamŋgaig.

Piro mbal tuku pasa

⁹ Mbal afu naŋgine sugo tugumŋge pirokade ta nane teŋenmba saniŋga. Nane naŋgine gabat kumnemŋge minmba piro mayewaig le nu piro ta nzaliwa. Naŋgine gabat maim maim tuwe ndaka e

¹⁰ ko nu tuku agaŋ ndende kuayar ndaka nane piro mbal magenu ndo minwaig. Nane wam ŋakmba kumumbi ke likuwaig le afuŋge Kuate sine muskil kile-tidiŋge siŋgit wam ta mayenu ŋguwaig.

Sine maŋau magenu kumba Sungo minde minbe

¹¹ Kuate nu taŋgo ŋakmba muskil kile-tidiŋgam saka nu ake sinaŋ taŋgo make patikate wam ta te-mayokna.

¹² Maŋau ta mbolŋge nu sine wam magenu ke likam tuku tumsiŋgit. Sine nu ŋgumnemba kilke te mbolok nzali ŋaigonu dubikeg ta kusrekube. Sine wamdus kuyar magenu ŋak minmba maŋau tiŋreknu ke lika nu tuku miŋge kumnemŋge minbe. Sine kilke te mbolŋge maŋau mayenu ta ŋak minmba

¹³ sine gare sungo tam tuku wam ta ndo tairŋga minbe. Sine muskil kile-tidiŋge siŋgit taŋgo Yesus Kristus nu siŋgine Mbara Sungo. Nu nuŋe kilŋa saŋgri ŋak mayok kuwa le gare sungo tamŋgig.

¹⁴ Sine maŋau ŋaigonuŋge sine ndaleka minna le nu sine muskil kile-tidiŋge siŋgam tuku nuŋe ŋgarosu kumam tuku pilna. Sine nu tuku mbal purfeŋnu mayok ka wam magenu ndo kam tuku wamdus saŋgrinu pilbe ŋga nu kumna.

¹⁵ O Titus, ne sanjri tinga wam njakmba te sanjmba nane tuku wamdus kuagneka rironj pasa sanjnge lika. Ande nu ne tuku pasa te ngumne ndawa.

3

Sine Kuate tuku waknye manjau lafube

¹ O tira, ne nane sanjnga le gabat sugo kulat mbal njakmba kumnemnge minmba nane tuku minjge dubikuwaig. Piro magenu njakmba kam tuku nane wamdus kuaneka minwaig.

² Wañe pasa kualeyau nane wam kame ta rironjkuwaig. Nane wamdus bafu njak minmba tanjo tuku nyu idusnjmba nane njakmba mbolnje manjau kumumbi kuwaig.

³ Sine mata buk nginjganka minmba minjge pitaika yabri manjau dubika mingenj. Sine ngarosu kikonj tingam tuku manjau le gare tam tuku manjau yimyam tanje sine didikinaig le dubikigenj. Sine mara mindek manjau njaigonu ndo dubikigenj. Afu sine lisinginaig ta sine ta tuku gubra kagli firka mingenj. Afunje sine kasursinjinaig le sinjine sinjine mata munjo kasurkigenj.

⁴ Sine tanjamba mingenj le muskil kile-tidjnge sinjit tanjo Kuate nu nuñe ranjun mayenu kume pur manjau kile-mayokka

⁵ sine tuku muskil kile-tidjnge sinjina. Sine manjau tinreknu ke likigenj le nu tanja ndana. Kuga. Nu sine sinanu ake sinanj mapekina. Nu sine tuku mbar minyanja saukina le Tukul Guwa nu abo tugu kitek sine sinjina.

⁶ Yesus Kristus nu muskil kile-tidinge singit ta mbolnge Kuate nu Tukul Guwa singina le sine mbol kumungina.

⁷ Nu ake sinaŋ sine make patika sine tinreknu ngam tuku nu Tukul Guwa singina le sine abo tugu minmba minam tuku ta teg sulumba alonu kanjeram tuku minde mineg.

⁸ Pasa te sinŋa son pasa ndo. Ta tuku ye pasa sake likit te ŋakmba sanŋri tinŋa saniŋga le Kuate tuku son ngade mbal nane wam magenu kam tuku wamdus sanŋrinu pilwaig. Wam kame ta magenu ndo tanŋo pino turkade.

⁹ Nane afu pasa tugu kugatok mbuŋ kame tuku tugu patit ke lika muŋgu tulingade sulumba wamdus pur yimyamka Moses tuku tukul pasa tugu ta tuku kualeyaukade. Pasa ta tane turkam kumuŋ kuga.

¹⁰ Ande tane pur yimyam tinŋuwa kande nu rironŋ pasa tawe. Ne pasa tambim ara le nda iswa ndeta tane ŋakmba nu ndoŋ ulendi ndakap.

¹¹ Tanŋo tanŋaŋ nu ndin mayenu o buk kusrena ta ne kila. Nu tanŋo ŋayonu ndo. Nuŋe mironŋ nuŋe une tuku pa ta tamŋat.

¹² Ye Nikopolis tumbranŋ sunŋo mbol kumba murke ait mbolnge tanŋe minam tuku iduset. Ye Artemas ko Tikikus kukuli le ne tugum prowa kande ne ye tugum prowam tuku ndin sota.

¹³ Tukul pasa bitekŋganu tanŋo Senas nale Apolos ndoŋ ne kusrenumba kambim bafuwaik le ne nale turka le agaŋ ndende afu den ndakuwaik.

¹⁴ Singine tira kame wam paguka le nane wamdus sanŋrinu pilmba wam magenu ke lika afu

agaŋ afu denkade ta nane turkuwaig. Nane son ŋgade ta taŋamba alonu te-mayokuwaig.

¹⁵ Nane ye ndoŋ minig mbal te ŋakmba ne kaiye pasa tinig. Afu ne ndoŋ minig mbal sine taŋaŋ son ŋga sine tuku kume purmba minig mbal ta mata sine tuku kaiye pasa te saninga. Kuate nu tane ŋakmba ake sinaŋ make patika minwa.

Son.

KUATE TUKU PASA
Portions of the Old Testament and The New Testament
in the Siroi Language of Papua New Guinea
Sampela hap Buk Baibel long tokples Siroi long
Niugini

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 31 Aug 2023

9d2e8659-afb4-5cca-93d8-23ebf89e1709